

ТЫВА РЕСПУБЛИКАНЫҢ ӨӨРЕДИЛГЕ ЯАМЫЗЫНЫҢ
НАЦИОНАЛ ШКОЛА ХӨГЖҮДЕР ИНСТИТУТ
КЫЗЫЛ ХООРАЙНЫҢ 9 ДУГААР ГИМНАЗИЯЗЫНЫҢ
ЭТНОПЕДАГОГИКТИГ КУРЛАВЫР ТӨВҮ

**Бөдөй өгнүн өннүктери
деп музей педагогикага үндөзилээн**

Немелде өөредилгениң чижек программазы

Угланыышкыны: турисчи чурт-шинчилелдиг
Профили: патриотчу кижизидилге

ББК С (Тув)

Э 82

Программаны тургускан автору: *Эртинэ Урана Делгер-ооловна*, дээди категорияның башкызы.

Рецензентизи: *төөгү эртемнериниң кандидады Дыртык-оол Анна Оюновна*.

Эртем удуртукчузу: *Шаалы Алевтина Сугдур-овна*, п.э.к., НШХИ-ниң Өөредилгениң этнокультурлуг ужур-дузазын тургузар лаборатория эргелекчизи.

ТАЙЫЛБЫР БИЖИК

Тыва кижии бүрүзү ада-өгбелериниң эрткен оруун, төөгүзүн эки өөренир ужурлуг. Мээң төөгүм – мээң арын-нүүрүм.

Өгбелеривистиң төөгүзү салгалдарга өөредиг болуп, ут-тундурбас болзун дээш, тургускан программа.

Чырык өртемчейге төрүттүнген кижии бүрүзү төк кээп дүшкен төрөөн черлиг, долганган хөй төрөл чоннуг, өзүп доругуп, ужуп үнген ынак уялыг болур.

Программаның чугулазы болгаш онзагайы

Амгы үеде уругларның база 30-40-даа харлыг ада-иелерниң-даа, төрөөн дылын уттуп, ада-өгбелериниң амыдыралын херекке албазы, көшкүн өгбелерниң арттырып берген «өнчүзүн» үнелевези, эң-не белең чүүл: өшкү биле хойну безин ылгап билбези – тыва чоннуң дүвүрелин оттуруп турар. Өгбелерниң төөгүзүн өөредири-биле, салгалдар аразында харылзаа быжыг болзун деп сорулгалыг. Уругларны кырган-авалары, кырган-ачаларының эрткен оруун, төөгүзүн, оларның көшкүн амыдыралын билип, сактып чорзун, утпазын деп өөредири чугула.

Программаның сорулгалары

«Бөдөй өгнүн өңнүктери» деп музейлиг педагогикага үндөзилеп кылган музей программаның сорулгазы төрөөн чериниң төөгүзүн чүгле этнопедагогика таварыштыр өөредири – чонунуң ужур-чаңчылдарына даянып тургаш, сүлдө-сүзүүн бедидип, угаан-медерелин сайзырадыры.

Өөреникчилерге ада-өгбелериниң амыдыралын, эдилеп чораан эт-севин тайылбырлап, чонунга, чуртунга, төөгүзүңге чоргааралды оттуруп сорулгаларны салган.

Уругларны эки сактып, билип алзын дээш, практиктиг кезээнде ада-өгбелериниң амыдыралын, эдилеп чораан эт-херекселин билип алганын комикстерге, мультитерге кылдырары.

Ада-өгбелерниң эдилеп чораан эт-херекселдериниң аттарын сагындырып, билиндирери.

Программаны тургузарыңга ажыглаан Хоойлулар болгаш дужаалдар

Программаның норматив-эрге-хоойлулут үндезинин дараазында хоойлу, дүрүм, айтыышкыннар тургузуп турар:

Делегей чергелиг:

«Конвенция о правах ребенка» (одобрена Генеральной Ассамблеей ООН 20.11.1989), (вступила в силу для СССР 15.09.1990),

- Всеобщая декларация прав человека (принята Генеральной Ассамблеей ООН 10 декабря 1948г.).

Федерация чергелиг:

- Федеральный закон от 29.12.2012г. 273-ФЗ «Об образовании в Российской Федерации» (с изменениями) (далее ФЗ);

- ФЗ от 24.07.1998г. №124-ФЗ «Об основных гарантиях прав ребенка в РФ» (в редакции 2013г.);

- Указ Президента РФ от 7.05.2018г. № 204 «О национальных целях и стратегических задачах развития Российской Федерации на период до 2024 года»;

- Распоряжение Правительства РФ от 4.09.2014г. № 1726-р. «Концепция развития дополнительного образования детей»;

- Распоряжение Правительства РФ от 29.05.2015г. № 996-р «Стратегия развития воспитания в РФ на период до 2025 года»;

- Указ Президента РФ от 29.05.2017г. № 240 «Об объявлении в Российской Федерации Десятилетия детства»;

- Приказ Министерства просвещения РФ от 3.11.2019 г. № 467 «Об утверждении Целевой модели развития региональных систем развития дополнительного образования детей»;

- Стратегия развития воспитания в РФ на период до 2025 года (Распоряжение Правительства РФ от 29.05.2015 г. № 996-р);

- Национальный проект «Образование» – Паспорт утвержден президиумом Совета при Президенте РФ по стратегическому развитию и национальным проектам (протокол от 24.12.2018 г. №16);

- Письмо Министерства образования и науки РФ от 11.12.2006 г. №06-1844 «О примерных требованиях к программам дополнительного образования детей»;

- Концепция развития дополнительного образования детей (распоряжение Правительства РФ от 04.09.2014г. № 1726-р) (далее - Концепция).

Тус чер чергелиг:

- Закон Республики Тыва от 23 декабря 2010 г. № 373 ВХ-I «Об образовании» (в редакции от 10.04.2016 г.);

- Постановление Правительства Республики Тыва от 12 февраля 2019 года №73 «Об утверждении Концепции духовно-нравственного развития и воспитания детей и молодежи Республики Тыва до 2025 года»;

- Распоряжение Правительства Республики Тыва от 20 июля 2016 года № 275-р «Об утверждении плана мероприятий по реализации в Республике Тыва Стратегии развития воспитания в Российской Федерации на период до 2025 года»;

- Распоряжение Правительства Республики Тыва № 278-р от 29 июня 2018 г. «О мерах по реализации Десятилетия детства в Республике Тыва на 2018-2027 годы»;

- Распоряжение Правительства Республики Тыва от 29 апреля 2019 года № 214-р «Об утверждении плана мероприятий («дорожной карты») по реализации Концепции духовно-нравственного развития и воспитания детей и молодежи Республики Тыва до 2025 года»;

- Распоряжение Правительства Республики Тыва от 25 ноября 2019 года № 508-р «О мерах по реализации Десятилетия детства в Республике Тыва на 2019–2020 годы».

Албан чер чергелиг:

- О создании Ресурсного центра этнопедагогике Республики Тыва на базе Государственного бюджетного научного учреждения Министерства образования и науки Республики Тыва «Институт развития национальной школы». Приказ Министерства образования и науки Республики Тыва №536 от 28.04.2021 г.

- О порядке организации работы ОО с семьями и (детьми) группы риска". Приказ Министерства образования и науки РТ от 29 июля 2020 г. № 673-д;

- Приказ Министерства образования и науки РТ от 18 сентября 2020 г. № 867-д «Об утверждении Плана республиканских мероприятий по дополнительному естественнонаучному направлению

ГБОУДО Республики Тыва «Республиканский центр развития дополнительного образования» на 2020–2021 учебный год»;

• Методические рекомендации к составлению плана воспитательной работы образовательной организации, утвержденные методическим объединением заместителей по воспитательной работе образовательных организаций города Кызыла и др.

Программаның тургузуу

«Бөдей өгнүң өңнүктери» деп музей педагогикага үндөзилеп кылган программа темаларындан, шак хуваалдазындан, та-йылбырындан тургустунган. Программаның темаларын 72 шакка чарып каан, бир чыл иштинде шингээди, 15–16 харлыг сургуулдарга таарыштырган.

Теория кичээлдеринге – 38 шак, практика кичээлдеринге – 34 шак кылдыр хувааттынган. Өөренир темаларындан шак хуваалдазын тема аайы-биле үзүп айыткан, өөреникчилерниң темага хамаарыштыр билип алган туар уjurлуг негелдерин тургускан.

Уругларның билииниң хыналдазы: өөрөдилге чылынын төнчүзүндө түннел кылыглар делгелгезин эрттирер. Улдуңнар аразында хыналда ажылдыг онаалгалар, школадан дашкаар хемчег, мөөрей, викторина, оюн-кичээл, төлевилел камгалалы, делгелге, журажылгалар, чогаадыкчы ажылдарын хынаары.

Программа 3 эгеден тургустунган:

1. Ада-өгбелеривистиң көшкүн амыдыралы.
2. «Чонувустуң өшпес сылдыстары». Ада-өгбелерниң төөгүдө арткан эрес-дидим чоруктары.
3. Кызылдың 9 дугаар гимназиязының тургустунган төөгүзү.

Календарь-тематиктиг план

№	Теманың ады	Шагының саны			Уругларның билиинин хыналдазы
		Шунгузу	Теориялыг кезээ	Практиктиг кезээ	
1	Өрт болгаш техниктиг айбыл болдурбазының дүрүмнери-биле таныштылары. Өөреникчилерниң кичээл үезинде боттарын алырының тайылбыры	1		1	
I. Ада-өгбелеривистин көшкүн амыдыралы – 38 ш.					
2	Ада-өгбелеривистин ыдыктыг ораны. Өг – өртемчейнин өзээ. Тыва чогаалчыларның, шүлүкчүлерниң өгнү алгап мактаан чогаалдары, шүлүктери-биле таныжылга	2	2		Айтырылгарга харыылар
3	Өгнүң даштыгы, иштики тургузуу. Өгнүң биче хевирин кылыры	2	2	2	Класска делгелге
4	Өгнүң эт-херексели. Ожук, сыртык, үлгүүр, орун, аптара, барба, согааш-бала. Практиктиг кезээ: чурууру, чуруктарны ном кылдыр көктээри	4	2	2	Кылган номчугаштарның мөөрейи
5	Ада-өгбелеривистин көшкүн амыдыралы (чазаг, чайлаг, күзег, кыштаг, баглааш). Практиктиг кезээ: чурууру.	10	2	8	Класска делгелге
6	Ада-өгбелеривистин малын азырап өстүрерде хереглээр эт-херекселдери	4	4		Викторина
7	Тыва кавай – тыва чоннуң мерген угааны	2	2		Айтырылгарга дүрген харыы

8	Тыва эр кижинин эдилелдери. Бөрт, кур, идик, данза, сыдым, эзер, чүген, чулар, ча, какпа, частыыр боо. Практиктиг кезээ: делгелге чуруктар чуруур	4	2	2	Тыва Республиканың Алдан-Маадыр аттыг национал музейинче экскурсия
9	Мал – тыва чоннун амыдыралының өзээ, малдын хар-назыны, өң-чүзүңү	4	4		Темалыг оюн
10	Таңды кежи. Тыва аңчының хажыдып болбас дүрүмнери	4	2	2	Шиижиткен көргүзүт
II. Тываның өшпес сылдыстары, ада-өгбелернин эрес-дидим чоруктары – 22 ш.					
11	Көжээлерниң төөгүзү. Мөңгө даштарның сырыны. Күлтегин маадыр – өгбевис. Практиктиг кезээ: чурук чуруур.	4	2	2	Класска делгелге
12	Алдан-маадырларның тура-халыышкыны. Практиктиг кезээ: номчугаштар кылыры	4	2	2	Кылган номчугаштар мөөрейи
13	Хомду дайынының маадырлары. Практиктиг кезээ: Маадырлар дугайында раскладушка кылыры	4	2	2	Кылган информастыг папка мөөрейи
14	Урянтых, ТАР-ның төөгүзүндө мөгелер. Тыва мөгениң хажыдып болбас дүрүмү. Мөгелер дугайында чуруктар чуруур, ол чуруктарны ном кылдыр көктээр	4	2	2	Айтырылгарга дүрген харыы
15	Эзир-Кара – Тываның төөгүзүндө уттундурбайн чурттап чоруур аът. Практиктиг кезээ: аъттар чуруур	2	1	1	Класска чураан чуруктар делгелге
16	«Кызыл кош» делегейиниң төөгүзүндө туруп көрбээн чүүл. Практиктиг кезээ: номчугаш кылыры	4	2	2	Викторина тургузар

Ш. Гимназияның тургустунган төөгүзү – 11 шак					
17	Кызыл хоорайның 9 дугаар Гимназиязының тургустунган төөгүзү	2	2		Айтырыгларга харыы
18	Кызыл хоорайның 9 дугаар Гимназиязының баштайгы удуртукчузу болгаш баш- кылары. Альбом ном кылыр	5	2	3	Класска делгелге
19	Кызыл хоорайның 9 дугаар Гимназиязының чоргааралы болган доозукчулары. Практиктиг кезээ	4	1	3	Делгелге кылыр
	Шупту	72	38	34	

**Чижек программаның кыска тайылбыры (72 шак)
Ада-өгбелеривистиң көшкүн амыдыралы**

Тема № 1. Өрт болгаш техниктиг айыыл болдурбазының дүрүмнери-биле таныштыралы. Өөреникчилерниң кичээл үезинде боттарын алырының тайылбыры.

Тема № 2. Өг – ада-өгбелеривистиң ыдыктыг ораны. Өг – өртемчейниң өзээ. Тыва чогаалчыларның, шүлүкчүлерниң өгнү алгап мактаан чогаалдары, шүлүктери-биле таныжылга.

Практиктиг кезээ. Өгнү алгап-мактаан бир шүлүктү өөренир.

Өөреникчилерниң билинге кол негелделер: Өгнү чогаалчылар, шүлүкчүлер чонга ада-өгбелеривистиң оран-савазының дугайында бижип, алдаржыдып чоруур деп чүвени билири. Өг – тыва чонувустун, ада-өгбелеривистиң төөгүзү, оларның ыдыктыг оран-савазы, өг – өртемчейниң өзээ деп билиндирери, чоргааралды оттуралы.

Тема № 2. Өгнүң даштыкы, иштики тургузуу. Картон саазындан өгнүң биче хевирин кылыры. Өг-биле таныжылга, тургузуу, кылыры, кандыг чүүлдер херегин, өгге иштики туружунуң аайы-биле бодун алдынарын билири.

Теориялыг кезээ. Өгнүң тургузуун көргүзүп, ооң аттарын өөредири: эргин, кудус, ширтек, хаяапча, хана, хараача, багана, дүндүк, ынаа, өреге, чеп, кожалаң, дээвиир, базырык, туурга.

Практиктиг кезээ. Тургузуун адап тургаш, өгнү чурааш, шупту аттарын бижиир.

Өреникчилерниң билиинге кол негелделер. Тыва оран-саваның тургузуун, ооң аттарын сактып алган турар ужурлуг.

Тема № 3. Өгнүң эт-херексели. Ожук, үлгүүр, аптара, барба, согааш, бала, сыртык, таалың.

Теориялыг кезээ. Өгнүң эт-херексели амгы шагның эт-херекселинден аңгы, тускай. Бүгү амыдыралында ада-өгбелеривис көжүп-дүжүп чораан болгаш, эт-севин көжеринге болгаш өгнү тургузарыңга белен кылдыр чогаадып кылган турганын тайылбырлаар.

Практиктиг кезээ. Биче хемчээлдиг таалыңны саазыңга бышкаш, кылдырар.

Өреникчилерниң билиинге кол негелделер. Өгнүң эт-херекселдериниң аттарын доктаадып алыр. Ада-өгбелеривистиң эдилелиниң бирээзи таалыңны, көшкүн кижиге дыка таарыштыр чогаатканын угаадыр.

Тема № 4. Ада-өгбелеривистиң көшкүн амыдыралы (чазаг, чайлаг, күзег, кыштаг, баглааш).

Теориялыг кезээ. Малдың тодуг, семис болуру – ооң одар-белчииринде. Ынчангаш чылдың-на кызымаа-биле дөрт катап чазаглап, чайлаглап, күзеглеп, кыштаглап көжүп, мал-маганын семирти азырап, амыдырап чорааны.

Практиктиг кезээ. Кыштаг, чазаг, чайлаг, күзегниң биче хевирлерин кылыры. Комикс кылдыр чогаадыры.

Өреникчилерниң билиинге кол негелделер. Өгбелеривистиң амыдыралы бойдузу-биле хини тудуш, долгандыр бойдус хүрээлеңинге бичии-даа хора чедирбейн чурттап чораанының кайгамчыктыын дамчыдар. Чазаг, чайлаг, күзег, кыштаг, баглааш, өдек-хонаш, хой аазы, хой өдээ, көржең, хой кажаазы, үүже, хырбача, сигеннээри, хөпээн, сараат деп сөстөрни билири.

Тема № 5. Ада-өгбелеривистиң малды азырап, өстүрерде хереглээр эт-херекселдери.

Теориялыг кезээ. Кайгамчык мерген угаанныг ада-өгбелеривистиң азыраан малының кежи, дүгү, чел, кудуруундан өөн дерип, мал-маганыңга херек чүүлдү кылып ап чорааны.

Практиктиг кезээ. Челди, кудурукту, хойнун, инектин, аьттын дүгүн тудуп, ылгап танып өөренири.

Өөреникчилерниң билиинге кол негелделер. Чеп, аргамчы, дужак, мончар, челе, шавылыыр деп сөстөрни билип, сактып алыры.

Тема № 6. Тыва кавай – тыва чоннуң мерген угааны.

Теориялыг кезээ. Тыва кавай – чоннуң эрте шагдан бээр эдилеп чораан төрөөн чери-биле дөмейлээн ыдыктыг эди.

Практиктиг кезээ. Кавайны чурувушаан, ооң тургузуун бижиир.

Өөреникчилерниң билиинге кол негелделер. Кавайның ыяжы, дүвү, чаагы, дужактары, энмээ, үгек, өдек ыяжы, төжүнек, сайгыттар, чөргээ, аадар баа, хин хавы, ааткыыш, ааткыыш баа, узун шидиг, кавай кидизи, ужа хылы, уруг өдээ деп сөстөрни билири.

Тема № 7. Тыва эр кижиниң эдилелдери болгаш идик-хеви.

Теориялыг кезээ. Тыва чонувустуң ыдыкшыткан чүүлү көвей, Ыдыкшылдың бир хевири эр кижиниң эдилелдери, оларны өрү салыры, куду салырга, өг-бүлеге багай болур, эр эзиниң хей-аьды бадар, чорук-херээ чогувастаар дээр, ынчангаш эр кижиниң эдилелдерин бедикке салып, хүндүлээр чорааны. Ол билиин амыдыралынга ажыглап билири.

Практиктиг кезээ. Тыва Республиканың Алдан-Маадыр аттыг национал музейинче экскурсия.

Өөреникчилерниң билиинге кол негелделер. Бөрт, кур, идик, данза, сыдым, эзер, колун, чүген, чулар, ча, чактыр боо. Кыс уруглар келир үеде өөнүң эзиниң идик-хевин бедикке салып, үнелеп, хүндүлөп чоруур болза, өг-бүлезиниң хей-аьды бедик болур деп чүүлдү билири.

Тема № 8. Мал – тыва чоннуң амыдыралының өзээ.

Теориялыг кезээ. Ада-өгбелеривистиң амыдыралының өзээ мал чораанының тайылбыры. Оларның көшкүн амыдыралының малдарының өң-чүзүнүн чечен-мергени-биле адап чорааны.

Практиктиг кезээ. Билип алган темазынга комикс кылыры.

Өөреникчилерниң билиинге кол негелделер. Малдың назы-харының аайы-биле аттарын билири. Инек, буга, бызаа, молдурга, хунан, дөнен. Бе, аскыр, кулун, богба, чаваа. Хой, кошкар, хураган, дөтпө, ирт. Өшкү, анай, сейнек.

Тема № 9. Таңды кежи. Тыва аңчының хажыдып болбас дүрүмнери.

Теориялыг кезээ. Тыва эр кижини аңнап, ажы-төлүн азырап өстүрүп чорааны; кажан-даа оран-таңдызының байлаан кайы-хамаан

чок төтчеглевес, бойдузунга хумагалыг чораанын; аңчы кижиниң сагыыр ёзулалдарын хажык чокка сагып чораанын билиндирер.

Практиктиг кезээ. Аңчы кижиниң кайгамчык ужурларынга хамаарышкан чуруктар мөөрейи.

Өреникчилерниң билиинге кол негелделер. Аңчы кижини чанарда одаанга отту, шайны, кургаг ыяшты, бир чиптер чемни оон соонда келир аңчыга арттырып каар турган. Тыва чоннун чараш ужурун тайылбырлаары.

ТЫВАНЫҢ ӨШПЕС СЫЛДЫСТАРЫ, АДА-ӨГБЕЛЕРНИҢ ЭРЕС-ДИДИМ ЧОУКТАРЫ

Тема № 1. Көжээлерниң төөгүзү. Мөңгө даштарның сырыны. Күлтегин маадыр – өгбевис.

Теориялыг кезээ. Көжээде бижээн бижиктерде бурунгу маадыр Күлтегинниң дугайында хөй-хөй эртемденнер чазып номчааш, ном кылдыр үндүргенин таныштырары.

Практиктиг кезээ. Тыва Республиканың Алдан-маадыр аттыг национал музейинче экскурсия.

Өреникчилерниң билиинге кол негелделер. Өгбелеривистин ыдык чагыы: «Чүс эр сүрлүг мөгө күжүм-биле, Чүс эрге удур тулчааш, өлүп чарылдым» – деп коргуш чок чоруун даш көжээлерге бижип арттырганын, эрес-дидимин билири.

Тема № 3. Алдан-маадырларның тура халышкыны.

Теориялыг кезээ. Манчы-кыдат дарлалынга база тыва дүжүмөттерге удур алдан-маадырларның эрес-дидиминге чоргааралды оттурары.

Практиктиг кезээ. Алдан-маадырларга тураскаалдың биче хевирин кылары.

Өреникчилерниң билиинге кол негелделер. 1941 чылдың май 11-де хүлээп алган ТАР-ның Биче Хурал Президиумунуң доктаалында тура халышкан революсчу алдан кижини «Алдан дургуннар» дивейн, «Алдан маадырлар» деп адаарын, база Тыва күрүнениң музейин «Алдан маадырлар» деп адаарын шиитпирлээн турганын билиндирери.

Тема № 4. Хомду дайынының маадырлары.

Теориялыг кезээ. Хомду дайынының маадырлары деп кымнарыл деп билигни, бо дайын соонда манчы-кыдат дарлалынындан тыва, моол чоннар хосталган деп билиндирер.

Практиктиг кезээ. Хомду дайынының киржикчилеринин аттарын дыңзыг шупту номчуп, маадырларны алгап-мактаары.

Өөреникчилерниң билиинге кол негелделер. 150 чыл ажыг үргүлчүлээн манчы-кыдат дарлалдан Тыва чон Хомду дайынының соонда хосталганын, эрги Тывага эки турачыларны СҮЗҮК шерии дээр турганын. Тывадан Хомду дайынынга 700 ажыг араттар киришкенин, тыва, моол шериглерниң манчы-кыдат шеригни узуткаан чери – Хомду шивээзи дээрзин тайылбырлаары.

Тема № 5. Урянхтың, ТАР-ның, Тыва Республиканың төөгүзүнде мөгелер.

Теориялыг кезээ. Тыва Хүрештин дүрүмүнүң сайгарылгазы. 2-ги дүрүмү: тыва мөге, эр кижини – чер чуртунуң, чонунуң, өг-бүлезиниң камгалакчызы, шивээзи, ооргазы болур деп тайылбыр.

Практиктиг кезээ. Беседа. Тыва мөге кижиниң девиин дээрге улуг күш үндүрер, хан-дамыр сайзырадыр, хей-аъдын көдүрер эзулалы деп билиндирери. Девиин турар мөгелерни чурууру.

Өөреникчилерниң билиинге кол негелделер.

Тема № 6. Эзир-Кара – Тываның төөгүзүнде уттундурбайн чурттап чоруур аът.

Теориялыг кезээ. Тыва чонувустуң чоргааралы, ынакшылы. Эзир-Кара – Тываның төөгүзүнде уттундурбайн чурттап чоруур аът; делегейниң кандыг-даа чонунуң сайзыралы, эрткен оруу аът-биле холбашканын билиндирер.

Практиктиг кезээ. Чурук мөөрейин эрттирер.

Өөреникчилерниң билиинге кол негелделер. Көшкүн араттың шынчы, шыдамык эжи чораанын, ам-даа чоруурун сагындырар. Амгы үеде безин аът чоннуң сүлдө-сүзүү болган, чуртувустуң сүлдезинде сиилбиттингенин билиндирер.

Тема № 7. Тыва чоннуң дайын үезинде кылган маадырлыг чоруунуң бирээзи – «Кызыл кош».

Теориялыг кезээ. Көзүлбес фронтунуң кижилери тиилелгени чедип алырынга улуг дузаны фронтуга чедиргенин; эвээш санныг чонга ол кончуг улуг ажыл, маадырлыг чорук болганын билиндирери.

Практиктиг кезээ. Чадыг болгаш комикс кылыр.

Өөреникчилерниң билиинге кол негелделер. Ада-өгбелериниң эрткен оруун үнелеп, магадап, чоргаарланып чоруур ужурлуг.

Ажыглаан курлавырлар:

1. Тес-Хем кожууннун Чыргаланды ортумак школазының Юрий Аранчын аттыг төөгүлүг чурт-шинчилел музейиниң архиви.
2. Эртине У.Д. хууда архиви.

**Башкыларга ажыглаар литература болгаш курлавырлар
даңзызы:**

1. Аранчын, Ю.Л. Алдан-маадырларның тура халыышкыны. – Кызыл: Тувинское книжное издательство, 1985. – 108 ар.
2. Хомду шивээзин хостааны (ТГШИ-ниң Хомду Эртем архивиниң материалдары). – Кызыл, 2019. – 96 ар.
3. За три века. Тувинско-русские-монгольские-китайские отношения. Архивные документы. – Кызыл, Типография Комитета по печати и массовой информации РТ. – 1995. – 85 стр.
4. Эртине, У.Д. Угулзалаан алдын Тезим. – Кызыл: Типография. КЦО «Аныяк», 2018 ч. – 118 ар.
5. Кара-оол, А.Б., Салчак, В.С. Хомду дайыны: эртем чүүлдеринде болгаш салгалдарның сактыышкыннарында. – Кызыл: Тип. МБОУКЦО «Аныяк», 2021. – 272 ар.
6. Чооду, К.К. Аътка тураскаал: Очерктер, шүлүктөр, үлегер домактар, кожамыктар. – Кызыл: Тываның ном үндүрер чери, 1995, – 80 ар.
7. Чадамба, В.Ф. Сүр-күчүнүн үш оюну. – Кызыл: Тываның типографиязы, 2004, – 71 ар.
8. Сарыылдыг өгбениң алдын үүжези (Орус Кууларның 100 чыл оюнга). – Кызыл: ОАО «Тываполиграф», 2016. – 240 ар.
9. Бадра, И.У. Арзылаң Күдерек: Ийи кезектиг роман. Бирги ном. – Кызыл: Тываның ном үндүрер чери, 1996. – 280 ар.
10. ТДЛТЭШИ. Күлтегин. Бурунгу түрктерниң Енисей-Орхон бижиниң тураскаалдары. – Кызыл: Тываның ном үндүрер чери, 1993. – 64 ар.
11. Күлтегин: Мөңгө даштың сырыны / [Сост. З. Б. Самдан; Вступ. ст. Ю. Л. Аранчына и др.; Поэт. пер. А. А. Даржая и др.]. – Новосибирск: Наука, 2003. – 246с., (Орхон-Енисей бижимелдериниң тураскаалдары VI–VIII вв).

12. Кенин-Лопсан, М.Б. Тыва хамнарның торулгалары. – Кызыл: Издательство «Новости Тувы», 2002 ч. – 544 ар.
13. Кенин-Лопсан, М.Б. Тыва чаңчыл. – Кызыл: Издательско-полиграфический отдел «Билиг», 2010. – 360 с.
14. Кенин-Лопсан, М.Б. Тыва чаңчыл. Тыва чоннуң ыдыктыг чаңчылдары. – Кызыл: Издательство «Новости Тувы», 1999. – 352 ар.
15. Улусчу эртемден – Ондар Дарыма. Эртемденниң архивинден материалдар болгаш сактыышкыннар. – Кызыл: ОАО «Тыва-полиграф», 2014. – 256 ар.
16. Степная цивилизация /под редакцией Н.О.Товуу, К.А. Сат // Материалы международного конгресса по этнической психологии. 3 июля – 7 июля 2012 г. – Кызыл, ТывГУ, 2013. – 207 стр.
17. Даржай, А.А. Өгге йөрээл // «Улуг-Хем» чечен чогаал сеткүүлү, № 59, 1985, 76 ар. «Улуг-Хем» № 59, 1985.
18. Мижит, Э.Б. Өг. Лириктиг-философтуг шүлүглел //«Ава» солуну, май, 2021.
19. Иргит, Л.Х. Өг долу тывызык// «Ава» солуну, май, 2021.
20. Монгуш Ө.К. Кавайга йөрээл // «Улуг-Хем» чечен чогаал сеткүүлү, № 59, 1985, 140 ар.
25. Эртине, У.Д. I болгаш II томнар. Бурун шагдан өгбем чурту, буян долган Чыргаландым. – Кызыл: ААН, 2015. – 464 ар., А. 368 ар.

Өреникчилерге ажыглаар номнар болгаш курлавырлар даңзызы:

1. Чооду, К.К. Аътка тураскаал: Очерктер, шүлүктөр, үлегер домактар, кожамыктар. – Кызыл: Тываның ном үндүрер чери, 1995. – 80 ар.
2. Чадамба, В.Ф. Сүр-күчүнүң үш оюну. – Кызыл: Тываның типографиязы, 2004. – 71 ар.
3. Монгуш, К. Б. Төрээн чурттан ыракка: Тоожулар, чечен чугаалар. – Кызыл: Тываның ном үндүрер чери, 1995. – 128 ар.
4. Казырыкпай Б.О. Эр чол: Екатеринбург: ГИПП «Уральский рабочий», 1998. – 110 ар.
5. Кенин-Лопсан, М.Б. Тыва чоннуң бурунгу ужурлары. – Кызыл: Институт усовершенствования учителей Республики Тыва; Издательство «Новости Тувы», 1994. – 192 с.
6. Тараачы, Б-Б.Н. Кайгал. – Кызыл: Тываның ном үндүрер чери, 2017. – 452 ар.

Друзья тувинской юрты

На тувинском языке

Редактор *Л.А. Ооржак*
Компьютерная верстка *Л.Д. Донгак*
Корректор *В.В. Монгуш, А.Д. Даржаа*

Подписано в печать 27.09.2022. Формат 60x84¹/₁₆.
Физ.печ.л. 1,0.

Отпечатано в издательско-полиграфическом отделе
Института развития национальной школы.
667000, г.Кызыл, ул. Рабочая, 2. тел/факс 8(39422) 6-17-52.